

"মিষ্টি বাচ্চারা - জ্ঞানবান হয়ে গেলে ধনবান হয়ে যাবে, জগদম্বা জ্ঞান জ্ঞানেশ্বরীই রাজ রাজেশ্বরী হন"

প্রশ্ন :- বাবা তাঁর বাচ্চাদের প্রতি খুব সহানুভূতিশীল । সেইজন্য শ্রেষ্ঠ ভাগ্য বানাবার জন্য কি কি শ্রীমত দেন?

উত্তর :- মিষ্টি বাচ্চারা - মাথার উপর যে পাপের বোঝা আছে, তাকে মৃত্যুর আগে স্মরণের যাত্রায় থেকে মাথা থেকে নামিয়ে দাও, কখনো বিকর্ম করো না । বাবা এসেছেন তোমাদের আসুরী শক্তি যমরাজের ফাঁসি কাঠ থেকে ছাড়াবার জন্য, এই জন্যই এখন কোনো বিকর্ম করো না ।

গীত :- রাত্রির পথিক ক্লান্ত হয়ো না, ভোরের আলোর আর খুব দূরে নেই...

ওম শান্তি । মিষ্টি মিষ্টি রুহানি বাচ্চারা এই গানের অর্থ বুঝতে পেরেছে । বাবা এসেছেন ভক্তি রূপী রাত্রির বিনাশ করে দিন স্থাপন করতে, কেননা বাবাকেই ডাকা হয় - হে, পতিত পাবন এসো । বুঝতে পারছে যে তোমরা কোনো সময় পবিত্র ছিলে, এখন পতিত হয়েছো । কোনো জিনিস তখনই চাওয়া হয় যা পূর্বে ছিল, এখন তা নেই । তোমরা জানো যে এখানে পবিত্র দেবী দেবতাদের রাজধানী ছিলো । জ্ঞান- জ্ঞানেশ্বরীই এখন রাজ- রাজেশ্বরী হবেন । যেমন জগৎ অম্বা ও লক্ষ্মী আলাদা, লক্ষ্মীকে জগৎ অম্বা বলা হবে না । লক্ষ্মীর দুই সন্তান তাঁকে মাতেশ্বরী বলবে । এখানে তো জগৎ অম্বাকে সেই সমস্ত ভারতবাসী, যারা ধার্মিক মনোভাবাপন্ন (religious minded) তারা সব মা বলে থাকে । দেবী দেবতার মন্দিরে গিয়ে তাঁর ভক্তি করে। এখন তোমরা জানতে পারছো যে তোমরাও অনেক ভক্তি করেছো । দান, পুণ্য ইত্যাদি তোমরা যত করেছো তত আর কেউ করেনি । তোমরা অনেক বেশি ভক্তি করেছো । এখন তোমরা নিজেদের স্মরণিকগুলি জীবদ্দশাতেই দেখতে পাচ্ছ । আদি দেব আর আদি দেবী আছেন, যাঁকে জগৎ অম্বা বলা হয় । এখন তোমরা জানো যে জগৎ অম্বা ধনবান হন। তোমরা তো তাঁর সন্তান, তাই না । এখন তো তোমরা পড়ছো । উনি হলেন জ্ঞানের দেবী (goddess of knowledge) । সাধারণ জ্ঞানের দ্বারা কেউ রাজা রানী হয় না । তোমরা জানো যে তোমরা আত্মারা হলে শিববাবার সন্তান , আর আর এই ইনি হলেন প্রজাপিতা ব্রহ্মা । শিববাবা ঐনার দ্বারা নতুন দুনিয়ার স্থাপনা করছেন। গানও আছে ব্রহ্মার দ্বারা স্থাপনা । এইসব খুব ভালো ভাবে বুঝে নিয়ে ধারণ করতে হবে। বলা হয় যে বাঘিনীর দুধ রাখার জন্য সোনার পাত্র(বাসন) চাই । এই জ্ঞানও হল সর্বশক্তিমান পরমপিতা পরমাত্মার দ্বারা প্রদত্ত । এই জ্ঞান ধারণ করার জন্য সোনার মতো বুদ্ধি রূপী পাত্র চাই। নতুন দুনিয়ায় আত্মা আর শরীর দুই-ই সোনার হয়ে থাকে । এখন তো তোমাদের আত্মা পাথরের বাসনের মতো । তাই শরীরও সেই রকম পাথরের মতো । ভারতেই বলা হয়, শ্যাম আর সুন্দর, পতিত আর পাবন বলা হয় । ভারত ছাড়া আর অন্য কোনো জায়গায় বলবে না যে, আমরা পতিত হয়ে আছি আমাদের পবিত্র বানান । সবাই বলে যে দুঃখ ঘুচিয়ে দাও , যেখানে শান্তি আছে সেখানে নিয়ে চলো । বিবেক (conscious) বলে যে আমরা ভারতবাসী পবিত্র ছিলাম । এখানে লক্ষী-নারায়ণের রাজত্ব ছিলো । যত বড়

মাপের মানুষ হোক না কেন, সেও গুরু পদতলে পড়ে থাকে, কেননা গুরু সন্ন্যাস নিয়েছেন । পাঁচ বিকার ছাড়লে পরে, বিকারীরা নির্বিকারীদের শ্রদ্ধা ও সম্মান করে । পবিত্রতাকে সম্মান করে । দ্বাপর যুগে রাজা রানী আর মন্ত্রী থাকে । সত্যযুগে রাজা রানীদের কোনো পরামর্শদাতা (বজীর) থাকে না । যখন পতিত রাজা রানী হয় তখন তারা এক একজন পরামর্শদাতা (বজীর) রেখে দেয় । এখন তো অনেক বেশী পতিত হয়ে গেছে, তাই অনেক পরামর্শদাতা (বজীর) রেখে দেয়। এ হলো ড্রামার অদৃষ্ট বা নিয়তি (destiny) । বাবা বলছেন বাচ্চারা যে দেখো কেমন ড্রামার নিয়তি (destiny) বানানো হয়েছে । প্রথমে তো ভারতবর্ষই ছিল, তারপর অন্য ধর্মগুলি আসতে লাগলো । বাবা বলছেন যে এই সময় তোমরা হলে জ্ঞান জ্ঞানেশ্বরী । জগৎ অশ্বা হলেন ব্রহ্মার পুত্রী । "জ্ঞানের দেবী" (Godess of knowledge) । জগৎ অশ্বা হলেন জ্ঞানবান, যিনি অন্য জন্মে ধনলক্ষী হন । তোমাদের এখন বাবা জ্ঞান শেখাচ্ছেন । তোমরা জানো যে তোমরা ওখানে ধনবান হবে । দুনিয়ায় কেউ জানে না যে, লক্ষী নারায়ণ কেমন করে ধনবান হয়েছেন । লক্ষী নারায়ণ হলেন সেই ব্রহ্মা আর সরস্বতী । ব্রহ্মা জগৎ পিতা হলে নিশ্চয়ই ব্রাহ্মণ ব্রাহ্মণী অনেক হবেন । তোমরাই তো কত ব্রাহ্মণ ব্রাহ্মণী রয়েছে । তোমরা তো জানো যে এই জ্ঞানের দ্বারা তোমরা ভবিষ্যতে এই রকম ধনবান হবে । একেবারে "ধন সমৃদ্ধির দেবী" (Godess of wealth) । এঁাদের থেকে বেশী ধন সমৃদ্ধি আর কারো হতে পারে না । এই জন্য মহিমা বর্ণিত আছে যে, জ্ঞানই হলো উপার্জনের উৎস (knowledge is the source of income) । জজ, ব্যারিস্টার ইত্যাদি জ্ঞানের দ্বারাই তৈরী হয় । তাই এইগুলো সবই এক রকম উপার্জন, তাই না । কোনো কোনো ডাক্তার এক একটা কেসে লাখ টাকা রোজগার হয় । কোনো রাজা রানী বা প্রিন্স অসুস্থ হলে, ডাক্তারের দ্বারা আরোগ্য লাভ করলে, খুশী হয়ে বড় বড় বাড়ি বানানোর জন্য অনেক অর্থ দেন । ফলে কতো বিশাল উপার্জন হয়ে গেল । তাই তো পড়াশোনার দ্বারা উচ্চ পদ প্রাপ্ত করা যায় । এটা তোমাদের পড়াশোনা আর আবার ব্যবসাও ।

তোমরা মিষ্টি বাচ্চারা এখন সওদা করতে এসেছো । খড়কুটোর সমান পাঁচ বিকারাদি সব দিয়ে লাখ রোজগার করে নাও । বাবা তো অবিনাশী সার্জন, সর্বদাই স্বাস্থ্যবান (healthy) থাকার জন্য বাবা যোগ শেখাচ্ছেন । বাবা গ্যারান্টি দিচ্ছেন – তোমরা ২১ জন্মের জন্য সর্বদা স্বাস্থ্যবান থাকবে। তাই এমন সার্জনের দেওয়া ওষুধ অর্থাৎ বাবার শ্রীমতে কেনই বা অনুসরণ করবনা? বাবার মত মেনে চলো । "আমাকে স্মরণ করো"! বলাও হয় যে স্মরণের দ্বারাই সুখ লাভ হয় , শারীরিক কলহ ক্লেশ সব মিটে যাবে । ভক্তি মার্গে কোনো কলহ ক্লেশ মেটে না । অনেক সন্ন্যাসী আছেন যাঁরা অসুস্থ হয়ে অর্ধাংশ পড়ে যায় (paralysed হয়ে যায়) । পাগলের মতো হয়ে যায় । কিন্তু তোমরা বাচ্চারা জানো যে বাবার শ্রীমতে চললে আমরা সর্বদা সুস্থ থাকব । ওখানে সবার আয়ুষ্কাল গড়ে (average) ১২৫ – ১৫০ বছর । এমনও হয় না যে দ্বাপর যুগে গিয়ে একেবারে ৩৫ বছর হয়ে যায় । না, এমন হয় না, প্রথমে ১০০-১২৫ বছর আয়ু হবে । তারপর ৭০-৮০ বছর হবে, এখন তো ৩৫-৪০ বছর অবধি হয়ে গেছে । ছোট বয়সে মৃত্যু হয়ে যায়, কেননা সব ভোগী থাকে । তোমরা জানো যে তোমরা এখন ভোগী থেকে যোগী হচ্ছে। ওখানে আয়ুষ্কাল এত বড় হবে যে, অকাল মৃত্যু কখনো হবে না । বাবা তোমাদের স্মৃতি মনে করিয়ে দিচ্ছেন, তোমাদের কত রাজ্য ভাগ্য ছিলো । এখন তা রাবণ লুণ্ঠ করে নিয়েছে । ওখানে মন্দির ইত্যাদি হয় না । তোমাদের স্লোগানও আছে -- ভারতের আদি সনাতন দেবী দেবতার ধর্ম জিন্দাবাদ, বাদবাকি সব মূর্দাবাদ

অর্থাৎ অনেক ধর্মের বিনাশ । ওখানে কেবল মাত্র একটাই খন্ড রাজ্য ছিল । একটা খন্ড রাজ্যে মানুষও কম থাকবে । তোমরা এটা লিখতে পারো : অল্প সময়ের মধ্যে ভারতের জনসংখ্যা ৯ লাখ হয়ে যাবে আর সমস্ত কিছু সমাপ্ত হয়ে যাবে । এক ধর্মের স্থাপনা এখন হচ্ছে। নতুন দেবত্ব রাজ্যের একটাই ভাষা, একটাই প্রথা(custom) নিয়ম নীতি হবে । এখানে সবার নিজের নিজের নিজস্ব প্রথা(custom) রয়েছে । এখানে একটা রাজ্য, একটাই সম্প্রদায় (community) ছিল। তোমরা এমন সব স্লোগান সংবাদপত্রে ছাপতে পারো । কেউ কেউ বাবার থেকে পরামর্শ নেয় যে, বাবা আমরা এই সমস্ত স্লোগান পয়সা খরচ করে খবরের কাগজে ছাপাবো? বাবা বলেন নিশ্চয়ই ছাপাবে । কারণ মানুষের জানা দরকার যে কি হচ্ছে । বলা হয় যে ক্রাইস্টের তিন হাজার বর্ষ পূর্বে স্বর্গ ছিলো । এক ধর্ম, এক সম্প্রদায় ছিলো, সবই সূর্য বংশী দেবী দেবতাদের । এই মহাভারতের যুদ্ধের পর স্বর্গের দ্বার (গেট) খুলে ছিল । সংবাদপত্রে এই সমস্ত বি. কে. (B. K) নাম দিয়ে ছাপাবে । কিন্তু বি. কে(B. K) তখনই বলা যাবে যখন পবিত্র থাকবে । বাবাকে ডাকা হয়েছে । এখন বাবা এসেছেন, তাই প্রতিজ্ঞা করো । ভক্তি মার্গে কত ধাক্কা খেয়েছো, যজ্ঞ, তপস্যা, দান ইত্যাদি করেছো । প্রথমে তোমরা শিবের ভক্তি করতে, তারপর দেবতাদের, এখন তো ব্যভিচারী হয়ে আছো । এখন বাবা এসে সব দুঃখ থেকে মুক্ত করেছেন । বাবা তোমাদের বাচ্চাদেরকে জ্ঞান প্রদান করে অনেক উচ্চ বানান, মানুষ থেকে দেবতা বানান । সত্যযুগে তোমাদের কাছে সব কিছু সোনার হবে । বাবা তোমাদের শ্রীমত দিয়ে স্বর্গের মালিক বানান । তাহলে তোমরা কেনই বা তাঁর শ্রীমতে চলবে না? বাবা যমরাজের ফাঁসি কাঠ থেকে মুক্ত করেন, গর্ভজেলের সাজা (শাস্তি) থেকে মুক্ত করেন । তোমরা স্বর্গে গর্ভ মহলে থাকো । এখানে গর্ভজেল, কেননা মানুষ পাপ কর্ম করে থাকে । ওখানে পাঁচ বিকার নেই, তাও কিন্তু রাজা, রানী, প্রজার পদের ফারাক হয়, তাই না । পয়সা রোজগারের জন্য মানুষ তো পরিশ্রম করে, তাই না । ওখানে কোনও পরামর্শদাতা (বজীর) নেই, কেননা তোমরা এখানকার প্রালঙ্ক ওখানে ভোগ করো । এখন তো বাবা এসে বলছেন বাচ্চারা তোমরা শ্রীমতে চলো । "আমি দূরদেশ থেকে এসেছি -- পতিত শরীরে, পতিত রাজ্যে । এটা হল রাবণের দেশ, বাচ্চারা, তোমাদেরকে বর্সা(অধিকার) দিতে এসেছি ।" এমন বাবার আঞ্জা পালন না করলে তাকে তো কুপুত্র বলা হবে । বিকারের পিছনে এতো হবার কিছু নেই । বাবা বলেন -- এই বিকার দুঃখদায়ক । পতিতকে পবিত্র বানানো -- আমার কাজ । কত স্নেহের সাথে বোঝাচ্ছেন -- খাও দাও, সুখী থাকো, শুধু এটা মনে রেখো, আমরা বাবার কাছে এসেছি, ওনার দ্বারা আমরা পালিত হচ্ছি । যদি আত্মীয় স্বজন, বন্ধু বান্ধবের দেওয়া জিনিস পরো তাহলে তাদেরকে মনে পড়বে, তাহলে তোমাদের পদব্রষ্ট হয়ে যাবে । এখানে শিববাবার ভান্ডার থেকে, পতিত পাবন বাবার যজ্ঞ থেকে পালন পোষন হয়ে থাকে, কোনো পতিতের গৃহের নয় । আর অন্য কারোর দেওয়া জিনিস হলে তার কথা মনে পড়বে । এর জন্যে গায়ন আছে অন্তিম কালে যে স্ত্রী স্মরণ করে.... কত ভালো স্থিতি হওয়া উচিত । গৃহস্থ সংসারে থেকে বুদ্ধির দ্বারা বোঝা উচিত যে এখানে সব শেষ হয়ে পড়ে আছে। আমাদের তো একমাত্র বাবা আছেন । কখনো কি বাবার নামে মালা স্মরণ করে জপ করা হয় ? আমি, তোমাদের বাচ্চাদেরকে এই কথা স্মরণ করছি যে, আমাকে স্মরণ করো, তোমরা অনেক বল পাবে, বিকর্ম বিনাশ হবে, বলবান হবে । দেখো এই লক্ষী নারায়ণ কত বলবান না ! যারা বলবান হবে তারাই রাজত্ব পাবে । বাবা নিজের উদাহরণ দেন। আমি ১২জন গুরু করেছিলাম, একজন গুরু বলেছিলেন যে ভোরে উঠে ১০০০ বার মালা জপ করো । আমি জিজ্ঞাসা করেছিলাম যে অন্য কোনো সময় বলুন । সারাদিন ধরে রুজি রোজগারের জন্য ব্যস্ত থেকে ক্লান্ত হয়ে যাই। যেমন তোমরা বলো — বাবা ভোরবেলা উঠতে পারি না । বাবা বলেন - এমন বলো না যে

আমরা পবিত্র থাকতে পারি না, বলা স্মরণে থাকতে পারি না । স্মরণ না করলে বিকর্ম বিনাশ কেমন করে হবে । তোমাদের তমোপ্রধান থেকে সতোপ্রধান হতে হবে নিশ্চয়ই । এটা তো অন্তিম জন্ম তাই অবশ্যই পবিত্র হও । বাবার শ্রীমতে না চললে কি পদ পাবে? অর্ধকল্প ধরে আমাকে ডেকেছো । এখন আমি বলছি পবিত্র হয়ে আমাকে স্মরণ করো । অন্যদেরও পথ দেখাও, বার্তা (message) দিতে থাকো । বাবা বলেন "মন্মনাভব"। মৃত্যু সামনে দাঁড়িয়ে আছে । তোমাদেরকে বার্তাবাহক (ম্যাসেঞ্জার) বা পয়গম্বর বলা হয় । তোমরা, ব্রাহ্মণরা ছাড়া আর কেউ মেসেঞ্জার হতে পারবে না । পতিত পাবন শিববাবা আসেন । কার মধ্যে প্রবেশ করবেন তাও লেখা আছে । ব্রহ্মার দ্বারা স্থাপনা হয়, এটা তো কেউ বুঝতে পারে না । সূক্ষ্মবতনে প্রজাপিতা ব্রহ্মা কি থাকতে পারেন ? এখানেই পতিত থেকে পবিত্র হয় । সাইলেন্সের শক্তিতে স্থাপনা হয়, সায়েন্সের শক্তি দিয়ে বিনাশ হয় । সবাই জিজ্ঞাসা করে যে শান্তি কেমন করে পাবে? আত্মা তো হলই শান্ত স্বরূপ । এখানে আসা হয় অভিনয় করতে, এখানে শান্তি কেমন করে থাকবে । সেই শান্তি কেবল শান্তিধামে প্রাপ্ত হয়, এখানে তো দুঃখই পাওয়া হয় । সত্যযুগে সুখ শান্তি দুটোই থাকে । তোমরা এখন বাবার সামনে এসে সব শুনছো । বাবা বলেন - - পতিতরা আমার সাথে তো কখনো মিলিত হতে পারে না । তা নাহলে যাঁরা তাদেরকে আমার কাছে নিয়ে আসেন সেই সব ব্রাহ্মণীদের পাপ হবে । (ইন্দ্রসভার পরিদের উদাহরণ রয়েছে) বাস্তবে এটাই হল ইন্দ্রসভা । এরা হলেন জ্ঞান পরী, পোখরাজ পরী । তাহলে তো আরো বেশি ধাক্কা লাগবে । বাবা কঠোর ভাবে মানা করেন, কোনো পতিতকে আনবে না । আগে বাবা সবসময় জিজ্ঞেস করতেন যে পবিত্রতার প্রতিজ্ঞা করেছে? তারা বলে যে পুরুষার্থ করছি । যখন দুট নিশ্চয় হবে তখন বাবাকে পাবে । তারপর বাবাকে পেয়ে বিকারী হয়ে গেলে একশো গুণ দন্ড (শাস্তি) পাবে । বাবা বুঝবেন যে এদের ভাগ্যে নেই । বাবা তো ভাগ্য লাভের জন্য প্রয়াসের পথ বলে দেন । তারপরও যদি এই বাবার কথা না শোনা যায়, তাহলে কি গতি হবে! বাচ্চাদের প্রতি বাবার খুব সহানুভূতি আছে, বাবা বলেন - —নিজেকে শোধরাতে থাকো । এমন যেন না হয় যে মৃত্যু এসে গেল । ভয় থাকা দরকার, আমরা বাবাকে স্মরণ করে পাপের বোঝা নামিয়ে দেবো । আত্মা —

সকলের সদগতি দাতা একমাত্র শিববাবা, ওঁনার ছবি নেওয়া যায় না, ওঁনাকে দিব্য দৃষ্টির দ্বারা দেখতে পাওয়া যায় । জানতেও পারা যায় । আত্মা।

মিষ্টি মিষ্টি হারানিধি (সিকীলথে) বাচ্চাদের প্রতি বাপদাদার ভালোবাসা ও স্মরণ আর সুপ্রভাত । রুহানি বাবার রুহানি বাচ্চাদের নমস্কার ।

ধারণার জন্য মুখ্য সার :-

১) এমন অবস্থা তৈরি করতে হবে যাতে অন্তিম কালে একমাত্র বাবাকেই স্মরণ করতে পারি । অন্য কেউ স্মরণে না আসে, বুদ্ধিতে এটা যেন থাকে যে এ সবই বিনাশ হয়ে যাবে ।

২) নিজেকে নিজেই সংশোধন করতে হবে, এই অন্তিম জন্মে পবিত্র হতেই হবে । ভয় থাকা দরকার যে আমাদের দ্বারা যেন কোনো পাপ কর্ম না হয় ।

বরদান :- প্রথম শ্রীমতে বিশেষ মনোযোগ দিয়ে ভীত (foundation) মজবুতকারী সহজযোগী ভব(হও) ।

বাপদাদার এক নম্বর শ্রীমত হল যে নিজেকে আত্মা ভেবে বাবাকে স্মরণ করো । যদি নিজেকে আত্মা ছাড়া সাধারণ শরীরধারী ভাবো তাহলে স্মরণে লেগে থাকতে পারবে না । এছাড়া যখন কোনো দুটো জিনিসকে জোড়া হয় তাহলে আগে সেটাকে সমান ভাবে ভাগ করা হয়, তেমনই নিজেকে যদি আত্মা মনে করে স্মরণ করো, তাহলে স্মরণ সহজ হয়ে যায় । এই শ্রীমতটিই হল প্রধান ভীত (foundation) । এই কথাটির উপরেই বার বার মনোযোগ দিলে সহজযোগী হয়ে যাবে ।

স্লোগান :- কর্ম হল আত্মাকে দর্শন করানোর দর্পন, তাই কর্মের দ্বারা শক্তির স্বরূপকে প্রত্যক্ষ করো।